



DOAIBMAPLÁNA 2010

Sisdoallu

1. OPPALOHKÁI	3
1.1. Sámi Siida 50-jagi ávvudeapmi.....	3
1.2. Gollegiella bálkkašupmi.....	Virhe. Kirjanmerkkiä ei ole määritetty.
1.3. Sámequovllu ovttasbargu.....	3
1.4. Servodaga ovddideapmi.....	3
1.5. Viidásut oahpahusa ožžodeapmi Ohcejohkii.....	Virhe. Kirjanmerkkiä ei ole määritetty.
1.6. Sámegeiela ja –kultuvrra ovddideapmi.....	3
1.7. Diehtujuohkindoaimmat.....	4
2. DOAIMMAT	5
2.1. Valástallan	7
2.2. Oktasaš mátkkit.....	5
2.3. Bándirieggát	7
2.4. Lávluneahkedat.....	5
2.5. Skápmadoalut	5
2.6. I Deanuleagi mánáid ja nuoraid dáiddadáhpáhus.....	7
2.7. Sámiid álbmotbeaivi.....	5
2.8. Vánhenčoagganeapmi.....	5
2.9. Giellaságastallamat	5
2.10. Čállin-, govven- ja mediabádjji.....	6
2.11. Astoáigge teáhterdoaimma	6
3. SIERRA PROŠEAVTTAT	Virhe. Kirjanmerkkiä ei ole määritetty.
3.1. Deanuleagi mánáid ja nuoraid valástallan ja kulturskuvlla	Virhe. Kirjanmerkkiä ei ole määritetty.
3.2. Áviisaprošeakta.....	8
3.3. Ohcejoga historjjá ja báikenamat CD-Rom	8

1. OPPALOHKÁI

Sámi Siida rs lea Ohcejoga báikkálaš sámesearvi. Searvvi njuolggadusaid mielde searvvi ulbmiliidda gullá Ohcejoga guovllu sámiid sosiálalaš, vuoigatvuođalaš, kultuvralaš ja almmolaš ekonomálaš vuoigatvuođaid ovddidanbarggu. Maiddái oktasašbargu rastá riikkaid rájá gullá searvvi bargui. Dáid ulbmiliid ollašuttimii searvi ordne sierralagan doaluid ja deaivvadeamiid ja ordne doaimmaid mánáide ja nuoraide.

Čearddalaš iešdovddu olis searvi ordne álbmotbeaivvi doaluid ovttas Sirpmá giliseruviin. Jagis 2010 lea Sirpmá gilisearvvi vuorru lágideat álbmotbeaidoaluid Sirbmás. Jagis 2010 searvi vuoruhá sámegeala ovddidandoaimmaid eandaliige nuoraid gaskkas.

1.1. Sámi Siida 50-jagi ávvudeapmi

Jagis 2009 golai 50 jagi das go sámenuoraid searvi áhahuvvui Anáris. Dát searvi lei Sámi Siida álgosearvi ja nu sáhttáge Sámi Siida ávvudit 50-jagi. Jahki 2010 lea searvvi ávvujahki ja skábmamánuš lágideuvvo 50-jagi ávvudoalut. Sulo Lemet Aikio čállán searvvi 40-jagi historjáčállosa ja dát beaiváduvvo 50-jagi čállosin.

1.2. Sámegeguovllu ovttasbargu

Sámi Siida váldá oasi Suoma sámiid guovddášsearvvi bargui áktiivvalaččat. Dát sáhttá dahkkot omd. álgagiid dahkamiin ja oassálastimiin čeahkkimiidda ja eará doaluide.

Ohcejoga sámesearvi Sámi Siida lea lahka Sirpmá valástallansearvvi, Deanu kulturskuvlla, Issát Saba guovddáža ja Sirpmá gilisearvvi. Dáidda ja vejolaš eará servviide ja servošiidda dollo jievddalaš oktavuoha ja fievrriduvvojit oktasaš doaimmat. Dán ovttasbarggu álkidahttima várás searvvis doibmet ruoktosiiddut ja Facebook servoš man bokte lea álkkit juohkit dieđuid dáhpáhusaid ja áigegeuvdilis áššiid birra ja doallat oktavuodaid.

1.3. Servodaga ovddideapmi

Searvi joatká servodatáššiid ovddideami. Dát dahkko maiddái ovttas eará servviiguin ja berošteaddjiiguin. Searvi čuovvu jođus leahkki lávva- ja eará servodatplánemii guoski gažaldagaid áktiivvalaččat ja geahččala váikkuhit dáidda. Ordnejuvvo dárbbu mielde oktasaš deaivvadeapmi lagaš guovllu servviiguin.

1.4. Sámeskuvlla asaheapmi

Sámi Siida guorahallá vejolašvuođa ceget priváhta davvisámegealat sámeskuvllaid Ohcejoga gildii.

1.5. Sámegeala ja –kultuvrra ovddideapmi

Sámi Siidii miedihuvvui jagi 2008 Gollegeala bálkkašupmi. Giellabálkkašupmi miedihuvvo ovttaskas olbmuid dahje servošiidda mat leat bidjan erenomaš ollu návccaid sámegeala sealluheapmái, ovddideapmái

dahje gárggiideapmái. Sámi Siida juogadii bálkkašumi ubmisápmelaš Henrik Barrukkin. Bálkkašupmi movttidahtta searvvi bargat ain viidasabbot sámegiela ovdii.

Searvi juohká sámegielat skuvlalaččaide stipeanttaid sin movttidahttuimii geavahit aktiivalaččat sámegiela ja váldit lasi oahpu.

Searvvi buot doaimmat lágiduvvojit sámegillii. Erenomaš dáhpáhusas geavahuvvo maid suomagiella.

Searvi bargá nannosebbot sámegiela ovddideapmin eandalitge mánáid ja nuoraid gaskkas. Searvvi mánáid- ja nuoraiddoaimma “Deanuleagi mánáid ja nuoraid valástallan ja kulturskuvlla” ulbmilin lea movttidahttit mánáid ja nuoraid geavahit sámegiela ja dovdat čavláivuoda sámekultuvrras.

1.6. Diehtjuohkindoaimmat

Searvi lea rahkadahtán ruoktosiidduid internehtti (www.samisiida.org) jagis 2005. Diibmá ostojuvvui ruoktosiidduide geavahančoavddus nu ahte siidduid sáhtášedje eambbosat beaivádit. Diehtjuohkin lea álkkimus ja beaktil internehta bokte. Siidduin mitaluvvo searvvi doaimmaid birra ja sáhtta almmustahttit cealkámušaid, beavdegirjiid ja doaibmaplánaid. Daid bokte sáhtta maiddái gulahallat lahttuiguin ja eará servviiguin ja almmustahttit eará lagaš servviid almmuhusaid sin dahpahasaid birra. Ruoktosiidduid sáhtta geavahit ávkin servviid gaskašas gulahallama buorideamis. Siidduid bokte sáhtta maid alggahit Ohcejoga sápmelaččaide guoski ođđasiid buvttadeami ja vejolaččat web-áviisa almmustahttima.

Sámi siida lea maid čohkken oktii visot Ohcejotnjálmmi ja Sirbmá valástallandoaimmaid, ráhkadahtán almmuhusa ja juohkán dan viidat Ohcejogas ja Sirbmás. Searvi joatká dákkár diehtjuohkindoaimmain maid jagis 2010.

2. DOAIMMAT

2.1. *Oktasaš mátkkit*

Sámi Siida lágida oktasaš mátkkiid searvvi lahttuide.

2.2. *Lávlun- ja juoiganeahkedat*

Sámi Siida lágida sámeielat lávluneahkediid. Ulbmiliin lea čohkket boares olbmuid, bearrašiid, mánáid ja nuoraid ovttas lávlut sámeielat lávlagiid, juoigat ja káfestallat. Dán oktavuodas Sámi Siida čohkke sámeielat lávlagiid gihpagin. Searvi guorahallat sámeielat doarjamateriála lávluneahkediidda. Oččodit maid Karaoke teavsttaid.

2.3. *Skábmadoalut*

Sámi siida lea lágidan moanaid gerddiid skábmadoaluid man ulbmilin lea ovddidit sámi báikkálaš kultuvra, čohkket olbmuid návddašit luodis, musihkas ja dáidagis sihke virkosmahtit olbmuid skápmaáigge. Skábmadoaluin lágiduvvo nuoraide bándileaira ja konsearta- ja diskoeahket. Sábmadoaluide gullá árbevirolaččat sámi mállásat man ovdal lágiduvvo bándileaira loahpahankonsearta besset fas joatkket eahkeda.

2.4. *Sámiid álbmotbeaivi*

Sámiid álbmotbeaivi 6.2.2010 ordnejuvvo Sirbmás. Sámi Siida lea juo álbmotbeaivvi ásaheami rájes ordnen ávvodoaluid ja dat leat sajáiduvvan bures maiddá hami dáfos guvlui. Beavái gullet kulturprográmma, ávvusáhka ja sámi mállásat.

Ohcejoga ja Sirpmá álbmotbeaidoalut leat šaddan Deanuleagi olbmuid lunddolaš deaivvadanbáikin. Searvi lea lágidan doaluid ovttas Sirpmá giliservviin ja vuoruid mielde ordnejuvvon Ohcejotnjálmmes ja Sirpmás.

2.5. *Vánhenčoagganeapmi*

Sámi Siida álggahii ja lei mielde lágideamen guokte vánhnenčoagganeami 19.-20.2.2010 man fáddán lea giellaoahppu skuvllain ja beaiveruovttuin. Čoagganeapmái boahá hállat gielladutki Tove Skutnabb-Kangas. Deaivvadeami ulbmilin livččii oazžut ovdan vahnemiid oainnut das mo giellaoahpahus beaiveruovttuin ja skuvllas doaibmá. Dasa lassin ságastallat mo dákkár giellaoahpahus galggašii leat.

2.6. *Giellaságastallamat*

Sámi Siida lágida ságastallaneahkediid sámeielagiidda ja daidda geat leat oahppamin sámeiegela. Jurdda lea gaskaneamet juogadit dieđuid ođđaáigásaš ja dološ sániin, dajaldagain ja doahpagiin ja dokumenteret ságastallamiid. Vejolaš fáttát leat luossabivdu, bohconamahusat, dálkkenamahusat, lottiid ja elliid namahusat, luottat ja jienat, dearvvašvuohta, báikki namat ja dálkkodeapmi jna.

2.7. Čállin-, govven- ja mediabádji

Jagis 2010 searvi lágida čállin-, govven ja mediabáji man ulbmilin lea ahte searvvi miellahtut sáhtášedje ieža čálligoahttit ođđasiid, reportášaid ja eará čállosiid Sámi Siidda ruoktosiidduide.

2.8. Astoáigge teáhterdoaimma

Searvi álggaha astoáigge teáhterdoaimma mii lea oaivvilduvvon nuoraide ja ollesolbmuide. Doaimma čađahuvvo jogo bargobádjín dahje vahkkosaš rieggán dan mielde mo orro vuohkkasut ollašuhttit.

3. DEANULEAGI MÁNÁID JA NUORAID VALÁŠTALLAN JA KULTURSKUULLA

Go Sámi Siida ordne doaimmaid mánáide ja nuoraide de leat doaimmat davvisámegillii ja doaimmaid birra galgá diehtu mannat váhnemiidda. Vánhemat galget addit mánnái lobi searvat doaimmaide ja fertejit ávžžuhit máná geavahit sámegeiela Sámi Siidda doaimmain.

3.1. *Valástallan*

Searvi lágida iešgudetgelágan sámegeielat valástallandoaimma.

3.2. *Bándirieggát*

Sámi Siida álggahii dálvit 2007 nuoraid bándirieggá. Rieggá lea doaibman dan rájes ja viidon nu, ahte dálvit 2008 álggahuvvui guokte eará bándirieggá. Dál Sámi Siiddas leat golbma bándirieggá mat leat oaivvilduvvon ovdánan čuojaheddjiide, álggaheddjiide ja uhcit mánáide.

Doaibma viiddiduvvo dárbbu ja vejolašvuodaid mielde.

3.3. *I Deanuleagi mánáid ja nuoraid dáiddadáhpáhus*

Ohcejoga skuvllamánát oasálastet juohke jahkásaš sámenuoraid dáiddadáhpáhusii, mii lágiduvvo vuoruid mielde sáskuvllain Suoma bealde. Sámenuoraid dáiddadáhpáhusas lea bohcciidan jurdda lágidit dáiddadáhpáhusa Deanuleagi mánáide ja nuoraide nu, ahte das livččii fárus Deanu, Kárašjoga, Unjárgga skuvllat ja Sirbmá skuvllat ja Dáža bealde ja Ohcejoga, Njuorggáma ja Gáregasnjárgga skuvllat Suoma bealde. Dáiddadáhpáhus lágiduvvo ovtta kulturskuvllain ja Issát Saba guovddášin. Ulbmilin lea oažžut mánáid ja nuoraid oahpásmuvvat rastá rájá.

3.4. *Astoáigge teáhterdoaibma*

Searvi álggaha astoáigge teáhterdoaimma mii lea oaivvilduvvon nuoraide ja ollesolbmuide. Doaibma čađahuvvo joga bargobádjín dahje vahkkosaš rieggán dan mielde mo orro vuohkkasut ollašuhttit.

3.5. *Mánáid- ja nuoraid duodje- ja dáiddadoaimma*

Searvi álggaha duodje- ja dáiddadoaimma mánáide ja nuoraide.

3.6. *Ealligovvabádji*

Searvi lágida ealligovvabáji nuoraide gaskkal 12-18.

4. EARÁ PROŠEAVTTAT

4.1. *Áviisaprošeakta*

Sámi Siida álggaha sámeielat áviisaproševtta man ulbmilin lea ásahit doaimmahusaid Suomabeallái. Prošektii oččoda eará sámeielaid servviid fárrui ja Sámi Siida geahččala ovttasbargagoahit dálá sámeielat áviissain Norgga bealde. Prošeakta galgá almmuhit oddásiid ja áigeguovdilis čállosiid sihke bábiráviissas ja internehtas. Proševtta doaibmabáiki lea Ohcejogas.

4.2. *Ohcejoga historjjá ja báikenamat CD-Rom*

Searvi álgá čohkket dieđuid Ohcejoga historjjás ja báikenamain. Searvi álgá jearahallat boares olbmuid geain vel leat dieđut báikenamain, sogain ja dološ eallimis. Dieđuid čohkken ferte álggahuvvot jođáneamos lági mielde vai dát dieđut eai jávkka boares olbmuid jápmima mielde.

CD-Rom várás ohccojuvvo ruhtadeapmi Pohjoisimman Lapin Leader teemaruhtadeamis.

Proševttas lea sierra prošeaktačilgehus.